

周禮

冊三



周禮卷十二

漢大司農北海鄭玄註

明臣後學東吳葛洪纂訂

司徒教官之職

鄉大夫之職各掌其鄉之政教禁令

鄭司農云萬二千五百家為鄉

正月之吉受教灋于司徒退而頒之于其鄉吏使各以教其所治以攷其德行察其道藝

其鄉吏州長以下○行下孟反

以歲時登其夫家之衆寡辨其可任者國中自七尺

以及六十野自六尺以及六十有五皆征之其舍者國中貴者賢者能者服公事者老者疾者皆舍以歲時入其書

五登成也定也國中城郭中也晚賦稅而免之早免之以其所居復多役少野早賦稅而免之以其復少

役多鄭司農云征之者給公上事也舍者謂有復除舍不收役事也貴者謂若今宗室及闕內侯皆

復也服公事者謂若今吏有復除也老者謂若今八十九十復羨卒也疾者謂若今廢不可事者復

之玄謂入其書者言於大司徒○復音福下同

三年則大比攷其德行道藝而興賢者能者鄉老及鄉大夫帥其吏與其衆寡以禮禮賓之

賢者無多少也鄭司農云興賢者謂若今舉孝廉興

能者謂若今舉茂才賓敬也敬所舉賢者能者玄謂變舉言與者謂合衆而尊寵之以鄉飲酒之禮

禮而

令六職之吏習會巡廷事

厥明鄉老及鄉大夫羣吏獻賢能之書于王王再拜

受之登于天府內史貳之

厥其也其賓之明日也獻猶進也王拜受之重得賢者王上其書于天府天府掌祖廟之寶藏者內

史副寫其書者當詔王爵祿之時○上其時掌反藏才浪反

退而以鄉射之禮五物詢衆庶一曰和二曰容三曰

主皮四曰和容五曰興舞

以用也行鄉射之禮而以五物詢于衆民鄭司農云詢謀也問于衆庶寧復有賢能者和謂閨門之

內行也容謂容貌也主皮謂善射射所以觀士也故書舞爲無杜子春讀和容爲和頌謂能爲樂也

也無讀為舞謂能為六舞玄謂和載六德容包六行

皮射之無侯也主皮和容與舞則六藝之射與禮

樂與當射之時民必觀焉因詢之也孔子射于矍

相之圃蓋觀者如堵牆之射至于司馬使子路執弓

矢出誓射者又使公罔之裘序點揚觶而語詢衆

亦庶之儀俱縛反相息亮反觶支反皮射食

此謂使民興賢出使長之使民興能入使治之

言是乃所謂使民自舉賢者因出之而使入之而

教以德行道藝於外也使民自舉能者因入之而

### 歲終則令六鄉之吏皆會政致事

民為之本也書曰天聰明自我民聰明天明威自我

為心明威老子曰聖人無常心以百姓心為心

其會計也致事言

正歲令羣吏攷灋于司徒以退各憲之于其所治之

國

大詢于衆庶則各帥其鄉之衆寡而致于朝

大詢者詢國危詢國遷詢立君鄭司農云大詢于衆庶洪範所謂謀及庶民

國有大故則令民各守其閭以待政令

使民皆聚於閭胥所治處

以旌節輔令則達之

民雖以徵令行其將之者無節則不得通

**州長**各掌其州之教治政令之灋

鄭司農云二千五百家為州論語曰雖州里行乎哉春秋傳曰鄉取一人焉以歸謂之夏州

正月之吉。各屬其州之民而讀灋。以攷其德行。道藝而勸之。以糾其過惡而戒之。

屬猶合也。聚也。因聚衆而勸戒之者。欲其善也。○屬音燭。

若以歲時祭祀州社。則屬其民而讀灋。亦如之。春秋以禮會民而射于州序。

序州黨之學也。會民而射。所以正其志也。射儀曰。射之爲言。繹也。繹者。各繹己之志。

凡州之大祭祀。大喪。皆涖其事。

大祭祀。謂州社稷也。大喪。鄉老鄉大夫。于是卒者也。涖。臨也。

若國作民而師田。行役之事。則帥而致之。掌其戒令。

與其賞罰。

吏之屬于同封以旌各意。又于其極。故之。





春 祭謂零祭水旱之神蓋亦為壇  
位如祭社稷云○祭榮敬反

國索鬼神而祭祀則以禮屬民而飭酒于序以正齒  
位一命齒于鄉里再命齒于父族三命而不齒

國索鬼神而祭祀謂歲十二月大蜡之時建亥之  
月也正齒位者鄉飲酒義所謂六十者坐五十者

立侍六十者三豆七十者四豆八十者五豆九十  
者六豆是也必正之者為民三時務農將闕於禮

至此農隙而教之尊長養老見孝悌之道也黨正  
飲酒禮士以此事屬於鄉飲酒之義微失少矣凡

射飲酒此鄉民雖為鄉大夫必來觀禮鄉飲酒鄉  
射記大夫樂作不入士既旅不入是也齒于鄉里

者以年與之相次異姓雖有老者居于其上不齒  
者以年與之相次異姓雖有老者居于其上不齒

者席于尊東所謂遵○蜡仕  
詐反依字作措為于偽反

凡其黨之祭祀喪紀昏冠飲酒教其禮事掌其戒禁

其黨之民。○  
冠古亂反。

凡作民而師。田行役。則以其灋。治其政事。

亦於軍。因為旅帥。

歲終。則會其黨。政帥其吏而致事。

正歲。屬民讀灋。而書其德行道藝。

書記之。

以歲時涖校比。

涖臨也。鄭司農云。校比。族師職。所謂以時屬民而校。登其族之夫家。衆寡。辨其貴賤。老幼。廢疾。可任。

者。及其六畜車輦。如今小案比。

及大比亦如之。

族師各掌其族之戒令政事。

政事邦政之事鄭司農云百家為族

月吉則屬民而讀邦灋書其孝弟睦婣有學者。

月吉每月朔日也故書上句或無事字杜子春云當為正月吉書亦或為戒令政事月吉則屬民而

讀邦灋

春秋祭酺亦如之。

酺者為人物裁害之神也故書酺或為步杜子春云當為酺玄謂校人職又有冬祭馬步則未知此

世所云族長無飲酒之禮因祭酺而與其民以長

幼相獻酬焉○酺音步校戶教反

以邦比之灋帥四閭之吏以時屬民而按登其族之

夫家衆寡辨其貴賤老幼廢疾可任者及其六畜車輦。

登成也定也。

五家爲比。十家爲聯。五人爲伍。十人爲聯。四閭爲族。八閭爲聯。使之相保相受。刑罰慶賞相及相共。以受邦職。以役國事。以相葬埋。

相共猶相救相調。

若作民而師。田行役。則合其卒伍。簡其兵器。以鼓鐸旗物。帥而至。掌其治令。戒禁刑罰。

亦於軍。因爲卒長。因。

歲終則會政致事。

閭胥各掌其閭之徵令。

鄭司農云二  
十五家為閭

以歲時各數其閭之衆寡。辨其施舍。凡春秋之祭祀  
役政喪紀之數。聚衆庶。既比則讀灋。書其敬敏任恤  
者。

祭祀謂州社黨禋族酺也。役田役也。政若州射黨  
飲酒也。喪紀大喪之事也。四者及比皆會聚衆民

因以讀灋以勅戒之。故書既為暨。杜子春讀政  
為征暨為既。○數色主反。政役如字。杜音征。

凡事掌其比。釐撻罰之事。

釐撻者失禮之罰也。釐用酒。其爵兕角為之。撻扑  
也。故書或言釐撻之罰。事杜子春云。當言釐撻罰。

凡之事。○饋古橫反。扑普卜反。

比長各掌其比之治。五家相受。相和親。有辜奇裘。則

相及。

令亦裘猶惡也。○辜本亦作罪。裘似嗟反。

徙于國中及郊。則從而授之。

徙謂不使其居也。或國中。之民出徙郊。或郊民入徙國中。皆從而付所處之。吏明無罪惡。

若徙于他。則爲之旌節而行之。

徙于他。謂出居異鄉也。授之者。有節乃達。

若無授無節。則唯園土內之。而樹之。

鄉中無授。出鄉無節。過所則呵問。繫之園土。考辟之。園土者。獄城也。獄必園者。規主仁。以仁心求。

其情古之治  
獄閱于出之

封人掌設王之社壝為畿封而樹之

壝謂壇及墀埒也畿上有封若今  
時界矣不言稷者稷社之細也

凡封國設其社稷之壝封其四疆

封國建諸侯  
立其國之封

造都邑之封域者亦如之

令社稷之職

將祭之時令諸有職事於社田國人畢作唯郊特牲曰唯  
為社事單出里唯為社田國人畢作唯為社丘乘

共粢盛所以報本反始也為  
于偽反下同單音丹乘繩證反

凡祭祀飾其牛牲設其楅衡置其絳共其水橐



也。飾謂刷治潔清之也。鄭司農云：福衡所以雉，與古者

不名同。皆謂人。玄牲謂福也。杜子春云：福衡所以持牛，令

福水。囊給又殺時洗薦牲也。綉字當以牙為聲。○福音

牙呈反。撥音加。

### 歌舞牲及毛炮之豚。

謂君率牲入時隨歌舞之言。其肥香以歆神也。毛

炮豚者，燻去其毛而炮之，以備入珍。鄭司農云：封

### 凡喪紀賓客軍旅大盟則飾其牛牲。

大盟會同之盟。

### 鼓人掌教六鼓四金之音聲以節聲樂以和軍旅以

禮卷十一 司徒教官之職 八 中華書局聚

正田役。

音聲五聲  
和者。

教為鼓而辨其聲用。

教為鼓。教擊鼓者。大小之數。又別其聲。所用之事。○大別彼列。反。

以雷鼓鼓神祀。

雷鼓。祀天。神也。

以靈鼓鼓社祭。

靈鼓。六面鼓也。社祭。祭地祇也。

以路鼓鼓鬼享。

路鼓。四面鼓也。鬼享。享宗廟也。

以鼗鼓鼓軍事。

大鼓謂之鼗。鼗鼓長八尺。○鼗扶云反。

以鼗鼓鼓役事。

鼗鼓長丈二尺。○鼗音羔。

以晉鼓鼓金奏。

晉鼓長六尺。六寸。金奏。謂樂作擊編鍾。

以金罇和鼓。

罇。罇于也。圓如碓頭。大上小下。樂作鳴之。與鼓相和。○罇音淳。碓音對。

以金鐻節鼓。

鐻。鉦也。形如小鍾。軍行鳴之。以爲鼓節。司馬職曰。軍行如小鐻。○鐻直音角。反。鉦音征。

以金鑊止鼓。

鑊如鈴無舌有秉執而鳴之。以止擊鼓。司馬職曰：鈴鳴鑊且卻。○執而鑊女交反。卻起略反。

以金鐸通鼓。

鐸大鈴也。振之以通鼓。司馬職曰：司馬振鐸。○鈴音零。

凡祭祀百物之神。鼓兵舞帟舞者。

兵謂干戚也。帟列五采繒為之。有秉皆舞者所執。○帟音佛。劉音弗。

凡軍旅夜鼓鑿。

鑿夜戒守鼓也。司馬灋曰：昏鼓。四通為大鑿。夜半三通為晨戒。旦明五通為發。响。○鑿于歷反。响本

又作响亦作煦。休具反。

軍動則鼓其衆。

行動日

田役亦如之。

救日月。則詔王鼓。

救日月食。王必親擊鼓者。聲大異。春秋傳曰。非日月之眚。不鼓。

大喪。則詔大僕鼓。

始崩及窆時也。

舞師掌教兵舞。帥而舞山川之祭祀。教帔舞。帥而舞社稷之祭祀。教羽舞。帥而舞四方之祭祀。教皇舞。帥而舞旱暵之事。

羽。折白羽為之。形如帔也。四方之祭祀。謂四望也。旱暵之事。謂雩也。暵。熱氣也。鄭司農云。皇舞。蒙羽。

舞書或爲聖或爲義玄謂皇折五采  
羽爲之亦如帔○嘆呼但反聖音皇

凡野舞則皆教之。

野舞謂野人  
欲學舞者

凡小祭祀則不興舞。

小祭祀王玄冕所  
祭者興猶作也

周禮卷十二

周禮卷十三

漢大司農北海鄭 玄註

明 後學東吳金 蟠訂

司徒教官之職

〔牧人〕掌牧六牲而阜蕃其物以共祭祀之牲牲。

六牲謂牛馬羊豕犬雞。鄭司農云：牲純也。玄謂牲體完具。○牲音全。

凡陽祀用騂牲毛之。陰祀用黝牲毛之。絜祀各以其方之色牲毛之。

騂牲色赤。毛之取純毛也。陰祀祭地北郊及社稷也。絜祀五嶽四鎮四瀆也。鄭司農云：陽祀春夏也。

黝讀為幽。幽黑也。玄謂陽祀祭天於南郊及宗廟。○黝于糾反。

凡時祀之牲必用牲物。

時祀四時所常祀謂山川以下至四方百物

凡外祭毀事用龙可也。

外祭謂表貉及王行所過山川用事者故書毀為龍龍謂雜為龍作虺杜子春云龍當為虺虺當為龍

色不純毀謂副辜候禳毀除殃谷之屬○龍亡江反貉莫霸反副辜例反副並逼反辜音孤禳如羊

反

凡祭祀共其犧牲以授充人繫之。

犧牲毛羽完具也授充人者當殊養之周景王時賓起見雄雞自斷其尾曰雞憚其為犧

凡牲不繫者共奉之。

謂非時而祭祀者



牛人掌養國之公牛以待國之政令

公猶官也

凡祭祀共其享牛求牛以授職人而芻之

鄭司農云享牛前祭一日之牛也求牛禱於鬼神祈求福之牛也玄謂享獻也獻神之牛謂所以祭

者孝子求終也終事之牛謂所以繹者也宗廟有繫

牛之職中而以授養之○職之式反注職同人棨餘於公

反

凡賓客之事共其牢禮積膳之牛

牢禮殮饗也積所以給賓客之用若司儀職曰主國五積者也膳所以問禮賓客若掌客云殷膳太

牢○積子賜反飧音孫

饗食賓射。共其膳羞之牛。

羞進也。所進賓之膳。燕禮小臣請執冪者。與羞膳者。至獻賓。而膳宰設折俎。王之膳羞亦猶此。○食

冪音嗣。下文同。冪民狄反。

軍事。共其犒牛。

鄭司農云。犒師之牛。○犒苦報反。

喪事。共其奠牛。

謂殷奠遣奠也。喪所薦饋曰奠。

凡會同軍旅行役。共其兵車之牛。與其牽傍。以載公

任器。

牽傍。在轅外。輓牛也。人御之。居其前。曰牽。居其旁。曰傍。任。猶用也。○傍薄浪反。

凡祭祀共其牛牲之互。與其盆簠以待事。以少牲之

**田** 鄭司農云互謂楅衡之屬。盆簠皆祭名。盆所以盛血。簠受肉籠也。玄謂互若今屠家縣肉格。○互劉

**以** 音護徐音牙簠音玄音盛音成縣音玄音

**充人掌繫祭祀之牲牲。祀五帝則繫于牢。芻之三月。**

**芻** 牢閑也。必有閑者防禽獸觸齧。養牛羊曰芻。三月一時節氣成。

享先王亦如之。

凡散祭祀之牲繫于國門使養之。

**散** 祭祀謂司中司命山川之屬國門謂城門司門之官。鄭司農云使養之使守門者養之。○散素但

反

展牲則告牲。

禮卷十三 司徒教官之職 三 中華書局聚

牲鄭司農云。展牲者。也。玄謂。展牲。若今時。選牲也。充人。主以牲。牲。告。展。牲。者。也。玄。謂。展。牲。若。今。夕。牲。也。特。牲。饋。

充。食。之。禮。曰。宗。人。視。牲。告。充。舉。獸。尾。告。備。近。之。告。

### 碩牲則贊。

贊。助。也。君。率。牲。入。將。致。之。助。持。之。也。春秋。傳。曰。故。奉。牲。以。告。曰。博。碩。肥。膾。

### 地官司徒下

**載師**掌任土之灋。以物地事授地職。而待其政令。

任土者。任其力。勢。所。能。生。育。且。以。制。貢。賦。也。物。物。色。之。以。知。其。所。宜。之。事。而。授。農。牧。衡。虞。使。職。之。

以廛里任國中之地。以場圃任園地。以宅田士田賈田。任近郊之地。以官田牛田賞田牧田。任遠郊之地。以公邑之田。任甸地。以家邑之田。任稍地。以小都之

田任縣地以大都之田任置地

人十六國而餘夫六十四

故書塵塵或作壇郊地未為蒿肆城中空地未有宅者

民宅曰宅田也賈田者吏為縣官賣財與之田

官田者賞賜之田牧田者牧六畜之田司馬法曰王

國五百里為郊二百里為州三百里為野四百里為

郊百里為遠郊玄謂塵里者若今云邑里居矣塵

為場樊圃謂之園宅田致仕者之家所受田也士

相見禮曰宅者在邦則曰市井之臣在野則曰草

曰茅自卿以下讀為仕仕者亦受田五十晦賈田在市賈

也牛其家所受田畜牧者官田庶人在官者其家所受田

周禮卷十三司徒教官之職四中華書局聚

如縣正是以或謂二百里為州四百里為縣云遂

公之采地王子弟所食邑也置五百里王畿界也

皆言任者地之形實不方邑平如圖受田邑者遠近

不得盡如制其所授民田夫一塵田百晦是以塵里

不謂九百萬夫居之都城者與凡王畿內方千里積

百同宮塗巷中下相通定受田者三百萬家也遠

一郭宮再易上三分去一餘六百萬夫又田不易

郊之內地居四萬夫六鄉之民七萬五千家通去一

其餘二易里也場圃也宅田也士田也賈田也其餘九

萬夫塵里也定受田也牧田也九者亦通受一夫焉則

半農人也田也賞田也十萬家也食貨志云農民戶

田

出地之中如邑甸稍縣都合居九十六同八百餘夫以

四

萬夫之地。城郭宮室，差少。涂巷又狹，于三分所去六而存一焉。以十萬家也。其在甸，十萬五千夫。為

受田二十四萬八千八百。通上中下六家而受。十三家。為

六遂。餘則為公邑。○場直良反。賈音古。註同。置居良反。吏為于偽反。蔬力果反。州長丁丈反。後皆同。監

呂古銜反。麓音鹿。涂音徒。去起。率音律。又音類。

凡任地。國宅無征。園廛二十而一。近郊十一。遠郊二

十而三。甸稍縣都皆無過十二。唯其漆林之征二十

而五。

征。稅也。言征者以共國政也。鄭司農云：任地，謂任土地以起稅賦也。國宅，城中宅也。無征，無稅也。故

官書漆林為漆林。杜子春云：當為漆林。玄謂國宅，凡

古多役也。園廛亦輕之者。廛無穀園少利也。○漆本又作漆。

凡宅不毛者有里布。凡田不耕者出屋粟。凡民無職事者出夫家之征。

鄭司農云宅不毛者謂不樹桑麻也。里布者布參印書廣二寸長二尺以爲幣貿易物。詩云抱布貿

絲抱此布也。或曰布泉也。春秋傳曰買之百兩一布又塵人職掌斂市之次布儻布質布罰布塵布。

孟子曰塵無夫里之布則天下之民皆說而願爲其民矣。故曰宅不毛者有里布。民無職事出夫家

之征。欲令宅樹桑麻。民就四業。則無稅賦以勸之也。故孟子曰五畝之宅樹之以桑。則五十者可以

衣帛者。罰以言布參印書者。何見舊時說也。玄謂宅不毛者。罰以言一里二五家之泉。空田者。罰以謂三

家之稅。粟出夫稅。凶二服及喪器也。民雖有閑無職事者。猶出夫稅。家稅也。夫稅者。百畝之稅。家稅無

者。出士徒車輦給於既反。儻音閑。說音悅。令力呈反。衣於既反。閑音閑。說音悅。

以時徵其賦。



閭師掌國中及四郊之人民六畜之數以任其力以待其政令以時徵其賦。

國中及四郊是所主數六鄉之中自廛里至遠郊也掌六畜數者農事之本也賦謂九賦及九貢

凡任民任農以耕事貢九穀任圃以樹事貢草木任工以飭材事貢器物任商以市事貢貨賄任牧以畜事貢鳥獸任嬪以女事貢布帛任衡以山事貢其物任虞以澤事貢其物。

貢草木謂葵韭果蔬之屬○畜許六反

凡無職者出夫布。

獨言無職者掌其九賦

凡庶民不畜者祭無牲。不耕者祭無盛。不樹者無禘。不蠶者不帛。不績者不衰。

掌罰其家事也。盛黍稷也。禘周棺也。不帛不得衣帛也。不衰喪不得衣衰也。皆所以恥不勉。○衰七

反回

縣師掌邦國都鄙稍甸郊里之地域。而辨其夫家人民田萊之數。及其六畜車輦之稽。三年大比。則以攷羣吏。而以詔廢置。

郊里。郊所居也。自邦國以及四郊之內。是謂之數。周天下也。萊。休不耕者。郊內謂之易。郊外謂之萊。

善言近。○比毗志反。

若將有軍旅。會同田役之戒。則受灋于司馬。以作其

衆庶及馬牛車輦會其車人之卒伍使皆備旗鼓兵器以帥而至。

受灋於司馬者知所當徵衆寡

凡造都邑量其地辨其物而制其域。

澤物謂地所有也名山大澤不以封○量音良大

以歲時徵野之賦貢。

野謂甸稍縣都也所徵賦貢與閭師同

〔遺人〕掌邦之委積以待施惠鄉里之委積以恤民之

難阨門關之委積以養老孤郊里之委積以待賓客

野鄙之委積以待羈旅縣都之委積以待凶荒

委積者廩人倉人計九穀之數足國用亦如此也皆以

之所謂餘法用也職內邦之移用亦如此也皆以

餘財共之門關以養老孤人所出入鄉易以取餼廩也猶

困乏也故書難阨阨作寄止者待凶荒謂邦國所當通給者也

故書難阨阨作寄止者待凶荒謂邦國所當通給者也

凡賓客會同師役掌其道路之委積凡國野之道十

里有廬廬有飲食三十里有宿宿有路室路室有委

五十里有市市有候館候館有積

廬若今野候徒有房也宿可止宿若今亭有室矣  
候館樓可以觀望者也一市之間有三廬一宿○

雅音

凡委積之事巡而比之以時頒之

周禮卷十三

明後學東吳孫 訂

司徒教官之職

人司均地政均地守地地職之人秩序而取董之

人司均地政均地守地地職之人秩序而取董之

人司均地政均地守地地職之人秩序而取董之

人司均地政均地守地地職之人秩序而取董之

人司均地政均地守地地職之人秩序而取董之

周

禮

卷十三

司徒教官之職

八中華書局聚



周禮卷十四

漢大司農北海鄭 立註

明 後學東吳葛 鼎訂

司徒教官之職

均人掌均地政均地守均地職均人民牛馬車輦之

力政

政讀為征地征謂地守地職之稅也地守衡虞之屬地職農圃之屬力征人民則治城郭涂巷溝渠

牛馬車輦則轉委積之屬○政音征下同

凡均力政以歲上下豐年則公旬用三日焉中年則公旬用二日焉無年則公旬用一日焉

豐年入食四鬴之歲也。人食三鬴為中歲。人食二鬴為無歲。歲無贏儲也。公事也。旬均也。讀如營營。

原隰之營。易坤為均。今書亦有作旬者。○上時掌反。鬴亡甫反。營音均。又音旬。

凶札則無力政。無財賦。

無力政。恤其勞也。無財賦。恤其乏困也。財賦九賦也。

不收地。守地職不均。地政。

不收山澤及地。稅亦不均。計地稅也。非凶札之歲。當收稅。乃不均之耳。

三年大比。則大均。

有年無年。大平計之。若久不修。則數或闕。

師氏掌以燬詔王。

告王以善道也。文王世子曰。師也者。教之以事而諭諸德者也。○燬音美。



以三德教國子。一曰至德以爲道本。二曰敏德以爲行本。三曰孝德以知逆惡。教三行。一曰孝行以親父母。二曰友行以尊賢良。三曰順行以事師長。

德行內外之稱。在心爲德。施之爲行。至德中和之德。履燾持載。含容者也。孔子曰：中庸之爲德。其至

矣乎。敏德仁義。順時者也。說命曰：敬孫務時。敏厥修。乃來孝德。尊祖愛親。守其所以生者也。孔子曰：

武王周公其達孝矣乎。夫孝者善繼人德。有志善述人之事者也。孝在三德之下。三行之上。德有廣於

孝而行莫尊焉。國子公卿大夫之子弟。師氏教之。而世子亦齒焉。學君臣父子長幼之道。○行下孟

反下及注同。知音。燾徒報。反說音悅。孫音遜。夫音扶。

### 居虎門之左。司王朝。

虎門路寢門也。王日視朝於路寢門外。畫虎焉。以明勇猛於守宜也。司猶察也。察王之視朝。若有善

道可行者。則當前以詔王。○朝直遙反。下皆同。

### 掌國中失之事。以教國子弟。

教之者。使識舊事也。中。中禮者也。失。失禮者也。故書中為得。杜子春云。當為得。記君得失。若春秋是

也。○中。丁仲反。注同。

### 凡國之貴遊子弟學焉。

貴遊子弟。王公之子弟。遊。無官司者。杜子春云。遊當為猶。言雖貴。猶學。

### 凡祭祀賓客會同喪紀軍旅。王舉則從。

舉。猶行也。故書舉為與。杜子春云。當為與。謂王與會同喪紀之事。○從。才用反。與音預。

### 聽治亦如之。

謂王舉於野。外以聽朝。

使其屬帥四夷之隸各以其兵服守王之門外且蹕

兵服旃布弓劍不同也門外中門之外蹕止行人不得迫王宮也故書隸或作肆鄭司農云讀為隸

音蹕

朝在野外則守內列

內列蕃營之在內者也其屬亦帥四夷之隸守之如守王宮

**保氏**掌諫王惡

諫者以禮義正之文王世子曰保也者慎其身以輔翼之而歸諸道者也

而養國子以道乃教之六藝一曰五禮二曰六樂三曰五射四曰五馭五曰六書六曰九數乃教之六儀一曰祭祀之容二曰賓客之容三曰朝廷之容四曰

喪紀之容。五曰軍旅之容。六曰車馬之容。

養國子以道者以師氏之德行審諭之而後教之以藝儀也。五禮吉凶賓軍嘉也。六樂雲門大咸大

韶大夏大濩大武也。鄭司農云五射白矢參連。刻注。襄尺并儀也。五馭鳴和鸞逐水曲過君表舞交

衢逐禽左。六書象形。會意。轉注。處事。假借。諧聲也。九數。方田。粟米。差分。少廣。商功。均輸。方程。贏不足。

旁要之容。嚴重。差夕。桀。句股也。祭祀之容。穆穆皇皇。賓客之容。嚴恪。矜莊。朝廷之容。濟濟。踴踴。喪紀之

容。涕洟。謂祭祀之客。齊。闕。闕。仰。賓客之容。穆穆皇皇。堂。堂。玄。謂祭祀之客。齊。齊。皇皇。賓客之容。穆穆皇皇。

皇。朝。廷。之。容。濟。濟。翔。翔。喪。紀。之。容。纍。纍。顛。顛。軍。旅。之。容。暨。暨。諮。諮。車。馬。之。容。匪。匪。翼。翼。○。剡。羊。甚。反。

二。襄。音。讓。本。作。讓。重。直。龍。反。夕。桀。音。的。沈。祥。易。反。此。二。字。非。鄭。注。濟。子。禮。反。踴。七。良。反。闕。呼。檻。反。仰。本。

又作。下。音。田。詒。五。格。反。律。悲。反。下。音。田。詒。五。格。反。律。

凡祭祀賓客會同喪紀軍旅王舉則從聽治亦如之。

使其屬守王闡。

闡宮中之卷門。

**司諫**掌糾萬民之德而勸之。朋友正其行而強之道。藝巡問而觀察之。以時書其德行道藝。辨其能而可任於國事者。

朋友相切磋以善道也。強猶勸也。學記曰：強而弗抑則易。巡問行問民間也。強猶勸也。學記曰：強而弗易其文反。易以歧反。

以攷鄉里之治。以詔廢置。以行赦宥。

因巡問勸強萬民而考鄉里吏民罪。過以告王所當罪不。行下孟反。

**司救**掌萬民之表惡過失而誅讓之。以禮防禁而救。

之。

亦由褒謂侮慢長老語言無忌而未麗於罪者過失也。○麗於罪者誅誅責也古者重刑且責怒之未即罪

反呼報

凡民之有褒惡者三讓而罰三罰而士加明刑。恥諸嘉石。役諸司空。

之罰謂撻擊之也加明刑者去其冠飾而書其之狀著之背也嘉石朝士所掌在外朝之門左使坐焉以恥辱之既而役諸司空使事官作之也坐役之數存於司寇○去起呂反著直略反也

其有過失者三讓而罰三罰而歸於圜土。

圜土獄城也過失近罪書日任之以事而收之夜藏於獄亦加明刑以恥之。不使坐嘉石其罪已著。

刑未忍之

凡歲時有天患民病。則以節巡國中及郊野。而以王命施惠。

天患謂裁害也。節旌節也。施惠調恤之。

調人掌司萬民之難而諧和之。

難相與為仇。讎諧猶調也。

凡過而殺傷人者。以民成之。

過無本意也。成平也。鄭司農云。以民成之。謂立證佐成其罪也。一說以鄉里之民共和解之。春秋傳

曰。惠伯成之之屬。

鳥獸亦如之。

過失殺傷人之畜  
產者。○畜許又反

凡和難。父之讎。辟諸海外。兄弟之讎。辟諸千里之外。  
從父兄弟之讎。不同國。君之讎。眡父師長之讎。眡兄  
弟主友之讎。眡從父兄弟。

和之。使辟於此。不得就而仇之。九夷。八蠻。六戎。五  
狄。謂之四海。主。大夫。君也。春狄傳曰。晉荀偃卒。而

視不可舍。宣子盥而撫之。曰。事吳敢不  
如事主。○辟音避。從而撫之。曰。事吳敢不

弗辟。則與之瑞節。而以執之。

瑞節。玉節之剡圭也。和之而不肯辟者。是不  
從。王命也。王以剡圭使調人執之。治其罪。

凡殺人有反殺者。使邦國交讎之。

反。復也。復殺之者。此欲除害弱敵也。邦國交讎之。  
明不和諸侯得者。即誅之。鄭司農云。有反殺者。謂



重殺也。而不用令書。謂文也。

凡殺人而義者不同國。令勿讎。讎之則死。

義宜也。謂父母兄弟師長嘗辱焉而殺之者。如是為得其宜。雖所殺者人之父兄。不得讎也。使之不

同國而已。

凡有鬪怒者成之。不可成者則書之。先動者誅之。

鬪怒辨訟者也。不可成。不可平也。書之。記其姓名。辨本也。鄭司農云。成之。謂和之也。和之。猶今二千

石。以令解仇。怨後復相報。移徙之。此其類也。玄謂。上言立證佐成其罪。似非。

媒氏掌萬民之判。

判。半也。得耦為合。鄭司農云。主萬民之判也。喪服傳曰。夫妻判合。鄭司農云。主萬民之判也。

凡男女自成名以上。皆書年月日名焉。

鄭司農云成之謂  
子生三月父名之

令男三十而娶女二十而嫁

二三者天地相承覆之數也易曰參天  
兩地而奇數焉○奇本或作倚音同

凡娶判妻入子者皆書之

書之者以別未成昏禮者鄭司農云入子者謂  
嫁女者也玄謂言入子者容媵姪娣不聘之者

中春之月令會男女

中春陰陽交以成  
昏禮順天時也

於是時也奔者不禁

重天時權  
許之也

若無故而不用令者罰之

之無故謂無喪禍之變也。既有喪禍者，娶得用非仲春之月。雜記曰：己雖小功，既卒哭，可以冠。子娶妻，○春

冠古  
喚反

司男女之無夫家者而會之。

謂司猶察也。無夫家者，謂男女之鰥寡者。

凡嫁子娶妻入幣純帛無過五兩。

純實緇字也。古緇以才為聲。納幣用緇，婦人陰也。凡於娶禮必用其類。五兩十端也。必言兩者，欲得

其配合之名。十者象五行十日相成也。士大夫乃以玄纁束帛。天子加以穀圭。諸侯加以大璋。雜記

曰：納幣一端，束五兩，兩五尋。然則每端二丈。○純側其反。

禁遷葬者與嫁殤者。

遷葬謂生時非夫婦死既葬，遷之使相從也。殤，十

禮卷十四 司徒教官之職 七 中華書局聚

亦亂人倫者也。鄭司農云：嫁殤者謂嫁死人也。今時娶會是也。

凡男女之陰訟聽之于勝國之社其附于刑者歸之

于士。

陰訟爭中冓之事以觸法者勝國亡國也亡國之社奄其上而棧其下使無所通就之以聽陰訟之

情明不當宜露其罪不在赦宥者直歸士而刑之不復以聽士司寇之屬詩云牆有茨不可掃也

冓之言不可道也所可道也言之醜也。○冓古侯反棧士板反茨疾私反醜

**司市掌市之治教政刑量度禁令。**

量豆區斗斛之屬度丈尺也。○區烏侯反

以次敘分地而經市。

次謂吏所治舍思次介次也。○行戶若今市亭然敘肆行列也經界也。

以陳肆辨物而平市。

陳猶列也。辨物物異肆也。肆異則市平。

以政令禁物靡而均市。

物靡者易售而無用。禁之則市均。鄭又費音世。司農云靡謂後靡也。○易以豉反。而買文另無費。

以商賈阜貨而行布。

通物曰商。居賣物曰賈。阜猶盛也。鄭司農云布謂泉也。○賈音古。

以量度成賈而徵儻。

徵召也。儻賈也。物有定賈則買者來也。○成賈音嫁。注下不音者皆同儻。劉音育。

以質劑結信而止訟。

質劑謂兩書一札而別之也。若今下手書言保物要還矣。鄭司農云質劑月平。○劑子隨反。平皮命。

周禮卷十四 司徒教官之職 八 中華書局聚

反

以賈民禁偽而除詐。

賈民胥師賈師之屬必以賈民為之者知物之情偽與實詐○賈民音嫁

以刑罰禁虺而去盜。

刑罰憲徇扑○虺薄報反去起呂反扑普卜反

以泉府同貨而斂賒。

同共也同者謂民貨不售則為斂而買之民無貨則賒賁而予之○賒傷蛇反為于偽反賁音世

大市日昃而市百族為主朝市朝時而市商賈為主。

夕市夕時而市販夫販婦為主。

日昃昃中也市雜聚之處言主者謂其多者也百族必容來去商賈家於市城販夫販婦朝資夕賣

司因其便而分爲三時之市所以了物極衆鄭  
農云百族百姓也○廐音側本又作昃

凡市入則胥執鞭度守門市之羣吏平肆展成奠賈

上旌于思次以令市市師涖焉而聽大治大訟胥師

賈師涖于介次而聽小治小訟

凡市入謂三時之市市者入也胥守門察偽詐也  
必執鞭度以威正人衆也度謂及也因刻丈尺耳

羣吏胥師以下也平肆平賣物者之列使之正  
也展之言整也成平也會平成市物者也奠讀爲

定整勅會者使定物賈防誑豫也上旌者以爲衆  
望也見旌則知當市也思次若今市亭也市師司

市也介次市亭之屬別小者也故書涖作立杜子  
春云奠當爲定鄭司農云思辭也次市中候樓也

立當爲涖涖視也玄謂思當爲司字聲  
之誤也○奠音定上時掌反及音殊

凡萬民之期于市者辟布者量度者刑戮者各於其

地之敘。

丈期謂欲賣買期決于市也。量度者若今處斗斛及

也。玄謂辟布市之羣吏者實諸泉入及有遺忘

凡得貨賄六畜者亦如之三日而舉之。

得遺物者亦使置其地貨於肆馬於官肆則主求之易也三日而無識認者舉之沒入官

凡治市之貨賄六畜珍異亡者使有利者使阜。害者

使亡。靡者使微。

有利於民謂物實厚者害於民謂物行苦者使阜起其賈以徵之也。使亡使微抑其賈以卻

之也。後靡細好使富民好奢微使之而已。鄭司農云亡者使有無此物則開利其道使之有。○苦音古

好呼報反



凡通貨賄以璽節出入之

璽節印章如今斗檢封矣使人執之以通商以出  
貨賄者王之司市也以內貨賄者邦國之司市也

國凶荒札喪則市無征而作布

有災害物貴市不稅為民乏困也金  
銅無凶年因物貴大鑄泉以饒民

凡市偽飾之禁在民者十有二在商者十有二在賈

者十有二在工者十有二

鄭司農云所以俱十有二者工不得作賈不得  
商不得資民不得畜玄謂王制曰用器不中度不

粥於市兵車不中度不粥於市  
幅廣狹不中量不粥於市  
於市布帛精麤不中數

五穀不時果實未熟不粥於市  
市禽獸魚鼈不中殺不粥於市  
亦其類也於四

入則未聞數十二焉○賈音古  
注同粥音育中丁仲反下同

市刑小刑憲罰中刑徇罰大刑扑罰其附于刑者歸于士。

其徇舉也。以示其地之衆也。扑。撻也。鄭司農云。憲。罰播。其肆也。故書附為附。杜子春云。當為附。○附。方符。反。

國君過市則刑人赦。夫人過市罰一幕。世子過市罰一帑。命夫過市罰一蓋。命婦過市罰一帷。

謂諸侯及夫人世子過其國之市大夫內子過其都之市也。市者人之所交利而行刑之處。君子無其故不遊觀焉。若遊觀則施惠以爲說也。國君則赦其刑人。夫人世子命夫命婦則使之出罰。異尊卑也。所罰謂憲。徇。扑也。必罰幕帑蓋帷。市者衆也。此四物者在衆之用也。此王國之市而說國君以下。過市者諸侯之於其國與王同。以其足以互明之。○幕。劉音。莫。帑。音。亦。觀。古。亂。反。其。下。同。

凡會同師役。市司帥賈師而從。治其市政。掌其賣儻之事。

市司。司市也。儻。買也。會同師役。必有市者。大衆所在。來物以備之。必

周禮卷十四

同治元年

同治元年

文

共會同治元年

周禮卷十五

漢大司農北海鄭玄註

明後學東吳金蟠訂

司徒教官之職

質人掌成市之貨賄。人民牛馬兵器珍異。

成平也。會者平物買而來。主成其平也。人民奴婢也。珍異四時食物。

凡賣儻者質劑焉。大市以質。小市以劑。

鄭司農云。質劑。月平買也。質大買。劑小買。玄謂質劑者。為之券。藏之也。大市。人民馬牛之屬。用長券。

小市。兵器珍異之物。用短券。○長如字。

掌稽市之書契。同其度量。壹其淳制。巡而攷之。犯禁

者舉而罰之。

稽猶考也。治也。書契。取予市物之券也。其券之象。書兩札刻其側。杜子春云。淳當為純。純謂幅廣制。

謂匹長也。皆當中度量。玄謂淳讀如淳。戶劉。章純反。淳。其淳音准。長直亮反。中丁仲反。淳。戶劉。章純反。

凡治質劑者國中一旬。郊二旬。野三旬。都三月。邦國

朞。期內聽。期外不聽。

謂齋券契者。來訟也。且息文書也。郊遠。郊也。野。旬治所以絕民之好訟也。且息文書也。郊遠。郊也。野。旬

稍也。都。小都。大都。

廛人掌斂市。紵布。總布。質布。罰布。廛布。而入于泉府。

布。泉也。鄭司農云。紵布。列肆之稅也。玄謂總讀如租。總當為儻。謂無肆立持者之稅也。玄謂總讀如租。總

之。所。罰。犯。質。劑。守。斗。斛。銓。衡。者。之。稅。也。質。布。者。質。入

也。塵布者，貨賄諸物，邸舍之稅。○紋音次，儻音讒，穠音摠。

凡屠者斂其皮角筋骨入于王府。

以當稅，給作器物也。其無皮角及筋骨，不中用，亦稅之。

凡珍異之有滯者，斂而入于膳府。

故書滯，或作塵。鄭司農云：謂滯貨不售者，官為居之。貨物沈滯於塵中，不決，民待其直以給，喪疾而

不可售賈賤者也。塵，謂市中之地，未有肆而不可居。以畜藏貨物者也。孟子曰：市中塵而不征，法而不可

則天下之商皆說而願藏於其市矣。謂貨物諸藏於市中而不租稅也。故曰塵而不征，其有貨物諸藏

滯於塵而不售者，官以法為居取之。故曰法而不售。塵，玄謂滯，讀如沉。滯之滯，珍異四時食物也。法而不

而在塵，久則將瘦臞腐敗，為買之入膳。夫之府所，以紓民事，而官不失實。○官為于偽，反膳，下同。畜，勅

六反說音悅，諸知反。呂反本，或作賂。瘦，本又作腹，所又反。臞，其俱反。

胥師各掌其次之政令而平其貨賄憲刑禁焉

○憲表縣之  
○縣音玄

察其詐偽飾行儂慝者而誅罰之

鄭司農云儂買也慝惡也謂行且賣姦偽惡物者  
玄謂飾行儂慝謂使人行賣惡物於市巧飾之令

欺誑買者○行下  
孟反令力呈反

聽其小治小訟而斷之

○斷丁  
亂反

賈師各掌其次之貨賄之治辨其物而均平之展其

成而奠其賈然後令市人于市

辨別也



凡天患禁貴儻者使有恆賈。

恆常也。謂若儲米穀棺木而睹之久雨疫  
病者貴賣之。因天災害阨民使之重困。

四時之珍異亦如之。

薦宗廟之物。

其不五者。

凡國之賣儻各帥其屬而嗣掌其月。前掌其坐。計出

儻買也。故書賣為買。鄭司農云。謂官有所斥令賣  
賈師帥其屬而更相代直月為官賣之。均勞逸。○賣

為官于

凡師役會同亦如之。

**司號**掌憲市之禁令。禁其鬪蹶者。與其號亂者。出入

相陵犯者。以屬遊飲食于市者。

躡 躡 謹也。鄭司農云：以屬遊飲食。羣飲食者。○躡五羔反。謹音歡。

若不可禁。則搏而戮之。

同稽掌巡市而察其犯禁者。與其不物者而搏之。

不物。衣服視古不與衆同。及所操物不如品式。

掌執市之盜賊以徇。且刑之。

圜各掌其所治之政。執鞭度而巡其前。掌其坐作出

入之禁令。襲其不正者。

作起也。坐起禁令。當市而不得空守之屬。故書襲為習。杜子春云：當為襲。謂掩捕其不正者。

凡有罪者。撻戮而罰之。

善謂其對文重困。而無其對文重困。

出罰之使貴。勸告勸育。買賣。

肆長各掌其肆之政令陳其貨賄名相近者相遠也

實相近者相爾也而平正之

爾亦近也俱是物也使惡者遠善者自相近鄭司農云謂若珠玉之屬俱名為珠俱名為玉而賈或

百萬或數萬恐農夫愚民見欺故別異令相遠使賈人不得雜亂以欺人

斂其總布掌其戒禁

杜子春云總當為儻

泉府掌以市之征布斂市之不售貨之滯於民用者

以其賈買之物揭而書之以待不時而買者買者各

從其抵都鄙從其主國人郊人從其有司然後予之

故書滯為痺杜子春云痺當為滯鄭司農云物揭而書之物物為揃書書其賈揭著其物也不時買

者謂急求者也。抵，故買也。主者，別治大夫也。然後予之，為封符信。然後予之。玄謂抵實抵字。抵，本也。

本謂所屬吏主有司是也。○揭音竭。瘳音旦。搯音牋。著直略反。

凡賧者。祭祀無過旬日。喪紀無過三月。

鄭司農云。賧。貫也。以祭祀喪紀。故從官。貫。買物。

凡民之貸者。與其有司辨而授之。以國服為之息。

有司。其所屬吏也。與之。別其貸民之物。定其買以與之。鄭司農云。貸者。謂從官借本買也。故有息使

民弗利。以其所買之國。所出為息也。假令其國出絲絮。則以絲絮償其國。出絺葛。則以絺葛償。玄謂

以國服為之息。以其於國服事之稅為息也。於國事受國廩之田。而貸萬泉者。則蕃出息五百。王莽

時。民貸以治產業者。但計贏所得受息。無過歲什一。○本賈音嫁。所賈音古。

凡國事之財用。取具焉。歲終則會其出入。而納其餘。

會計也納入也  
入餘於職幣

**司門** 掌授管鍵以啓閉國門

鄭司農云鍵讀爲蹇管謂  
籥也鍵謂牡○鍵其展反

幾出入不物者正其貨賄凡財物犯禁者舉之

不物衣服視瞻不與衆同及所操物不如品式者  
正讀爲征征稅也犯禁謂商所不資者舉之沒入

官

以其財養死政之老與其孤

財所謂門關之委積也死政之  
老死國事者之父母也孤其子

祭祀之牛牲繫焉監門養之

只監門徒○  
監古銜反

周禮卷十五 司徒教官之職 五 中華書局聚

凡歲時之門受其餘。

鄭司農云。受祭門之餘。

凡四方之賓客造焉。則以告。

造猶至也。告告於王。而止客以俟逆。

司關掌國貨之節。以聯門市。

貨節謂商本所發。司市之璽節也。自外來者。則案其節而書其貨之多少。通之國門。國門通之司市。自內出者。司市為之璽節。通之國門。國門通之關門。參相聯以檢猾商。○猾音滑。

司貨賄之出入者。掌其治禁。與其征廛。

征廛者。貨賄之稅。與所止邸舍也。關下亦有邸客舍。其出布如市之廛。

凡貨不出於關者。舉其貨。罰其人。

不出於關謂從私道出辟稅者  
則沒其財而捷其人○辟音避

凡所達貨賄者則以節傳出之

商或取貨於民間無璽節者至關關為之璽節及  
傳出之其有璽節亦為之傳傳如今移過所文書

注○傳張總反  
下皆同

國凶札則無關門之征猶幾

鄭司農云凶謂凶年饑荒也札謂疾疫死亡之征也越  
人謂死為札春秋傳曰札瘥夭昏無關門之征者

出入關門無租稅猶幾謂無租稅猶苛察不得令  
出入關門孟子曰關幾而不征則天下之行旅皆

說而願出於其塗○  
瘥才何反說音悅

凡四方之賓客敏關則為之告

謂朝聘者也敏關猶謁關人也鄭司農說以國語  
曰周之秩官有之曰敵國賓至關尹以告行理以

周

禮卷十五 司徒教官之職

六一中華書局聚

節逆之。○敏音叩。爲于僞反。朝直遙反。

有外內之送令。則以節傳出內之。

有送令謂奉貢獻及文書以常事往來環人之職所送迎通賓客來至關則爲之節與傳以通之

**掌節**。掌守邦節而辨其用以輔王命。

邦節者珍圭牙璋穀圭琥圭琬圭琰圭也。王有命則別其節之用以授使者輔王命者執以行爲信。○別

彼列反使所吏反

守邦國者用玉節。守都鄙者用角節。

謂諸侯於其國中。公卿大夫王子弟於其采邑。有命者亦自有節以輔之。玉節之制如王爲之以命

數爲小大角用犀角其制未聞

凡邦國之使節。山國用虎節。土國用人節。澤國用龍



節皆金也。以英蕩輔之。

使節使卿大夫聘於天子諸侯行道所執之信也。土平地也。山多虎平地多人。澤多龍以金為節鑄。

象焉必自以其國所多者於以相別為信明也。今漢有銅虎符杜子春云蕩當為帑謂以函器盛此。

節或曰英蕩畫函。帑吐黨反。盛音成。

節。門關用符節。貨賄用璽節。道路用旌節。皆有期以反。

門關司門司關也。貨賄者主通貨賄之官。謂鄉遂大夫也。凡民遠也。道路者主治五涂之官。謂鄉遂大夫也。凡民遠。

出至於邦國邦國之民若來入由門者司門為之。節由關者司關為之。節其商則司市為之。節其以。

徵令及家徒則鄉遂大夫為之。節唯時事而行。不出關不用節也。變司市言貨賄者璽節主以通貨。

賄者容公邑及小都大都之吏皆主治五涂亦有民。者貨賄非必由市或資於民家焉。變鄉遂言道路。

也符節者如今宮中諸官詔符也。璽節者今之印章也。旌節今使者所擁節是也。將送者執此節以送行者皆所以道里凡日時課如今郵行有程矣。以防容姦擅有所通也。凡節有法式藏於掌節。○郵音尤。

凡通達於天下者必有節以傳輔之。

必有節言遠行無有不得節而出者也。輔之以傳者節為信耳。傳說所齋操及所適。

無節者有幾則不達。

園土內之。

遂人掌邦之野。

郊外曰野。此野為甸。稍縣都。

以土地之圖經田野造縣鄙形體之法。五家為鄰。五

鄰爲里。四里爲鄼。五鄼爲鄙。五鄙爲縣。五縣爲遂。皆有地域。溝樹之使。各掌其政令刑禁。以歲時稽其人。民而授之田野。簡其兵器。教之稼穡。

經形體皆爲制分界也。鄰里鄼鄙縣遂猶郊內比閭族黨州鄉也。鄭司農云。田野之居。其比伍之名。

與國中異制。故五家爲鄰。六謂異其名者。示相變耳。遂之軍法。追胥起徒役。如六鄉。○鄼作管。反。比。

毗志反

凡治野以下劑。致甿以田里。安甿以樂昏。擾甿以土宜。教甿稼穡。以興勑。利甿以時器。勸甿以彊予。任甿以土均。平政。

變民言甿。異外內也。甿猶惜惜。無知貌也。致猶會也。民雖受上田中田下田。及會之以下劑。爲率。謂

周禮卷十五司徒教官之職 八中華書局聚

可任者家二人樂昏勤其昏姻如煤氏會男女也

擾順也時器鑄作耒耜錢鎛之屬疆予謂民有餘

力復予之田若餘夫然政讀為征土均掌均平其

稅鄭大夫讀耒為藉杜子春讀耒為助謂起民人

辨其野之土上地中地下地以頒田里上地夫一廛

田百晦萊五十晦餘夫亦如之中地夫一廛田百晦

萊百晦餘夫亦如之下地夫一廛田百晦萊二百晦

餘夫亦如之

萊謂休不耕者鄭司農云戶計一夫一婦而賦之

田其一一戶有數口者餘夫亦受此田也廛居也楊

孟子雲有田五廛謂百晦之居也玄謂廛城邑之居

城郭中宅不樹者為不毛出三夫之布○令力呈

反晦音啟萊音  
來奇居宜反

凡治野。夫間有遂。遂上有徑。十夫有溝。溝上有畛。百夫有洫。洫上有涂。千夫有澮。澮上有道。萬夫有川。川上有路。以達于畿。

十夫二鄰之田。田百夫一鄠之田。千夫二鄠之田。萬夫四縣之田。遂溝洫澮皆所以通水於川也。遂廣

深各二尺。溝倍之。洫倍溝。溝廣二尋。深二仞。徑畛。塗道路皆所以通車徒於國都也。徑容牛馬。畛容

大車。塗容乘車一軌。道容二軌。路容三軌。都之野。塗與環塗同可也。萬夫者方三十里。少半里。九

而方一。同以南畝圖之。則遂從溝橫。洫從澮橫。九澮而川。周其外焉。去山陵林麓。川澤溝瀆。城郭宮

室。塗巷三分之。制其餘如此。以至於畿。則中雖有都鄙。遂人盡主其地。○洫况域反。澮古外反。乘繩

證反。從子容反。去起呂反。

以歲時登其夫家之衆寡及其六畜車輦辨其老幼廢疾與其施舍者以頒職作事以令貢賦以令師田以起政役

登成也猶定也夫家猶言男女也施讀為弛職謂民九職也分其農牧衡虞之職使民為其事也載

師職云以物地事授地職互言矣貢九貢也賦九賦也政役出土徒役○施式氏反政音征

若起野役則令各帥其所治之民而至以遂之大旗致之其不用命者誅之

役謂師田若有功作也遂之犬旗熊虎

凡國祭祀共野牲令野職

共野牲入於牧人以待事也野職薪炭之屬

凡賓客令修野道而委積。

委積於廬宿市。

大喪帥六遂之役而致之。掌其政令及葬帥而屬六

綽及窆陳役。

致役者致於司徒給墓上事及窆也。綽舉棺索也。葬舉棺者謂載與說時也。用綽旁六執之者天子其

千人與陳役者主陳殯之耳。匠師帥監之。鄉師以斧涖焉。大喪之正棺殯啓朝及引六鄉役之。載及

窆。六遂入主陳役也。還相終始也。鄭司農云。窆謂下棺時。遂人主陳役也。禮記謂之封。春秋謂之塋。皆

葬下棺也。聲相似。屬音獨。綽音弗。窆昌絹反。與說始銳反。朝直遙反。之封彼驗反。塋補鄧反。

凡事致野役而師田作野民帥而至。掌其政治禁令。

**遂師**各掌其遂之政令戒禁以時登其夫家之衆寡

周禮卷十五 司徒教官之職 十一 中華書局聚

六畜車輦。辯其旅舍。與其可任者。經牧其田野。辨其可食者。周知其數。而任之。以徵財。征作役事。則聽其治訟。

施讀亦弛也。經牧。制田界與井也。可食。謂今年所當耕者也。財。征賦稅之事。

巡其稼穡。而移用其民。以救其時事。

移用其民。使轉相助。救時急事也。四時耕耨。斂艾芟地之宜。晚早不同。而有天期。地澤風雨之急。○艾

刈艾音

凡國祭祀。審其警戒。共其野牲。

審亦聽也。

入野職。野賦于玉府。



九民所入貨賄以當九職

賓客則巡其道脩庀其委積

巡其道脩行治道路也故書庀為比鄭司農云比讀為庀庀具也○庀又作比匹爾反行下孟反比

大喪使帥其屬以幄帟先道野役及窆抱磨共丘籠

及蜃車之役

使以幄帟先者大宰也其餘司徒也幄帟先所以為葬窆之間先張神坐也道野役帥以至墓也邱

籠之役窆復土也其器曰籠蜃車柩路也柩路載柳四輪迫地而行有似於蜃因取名焉行至壙乃

說更復載以龍轡蜃禮記或作搏或作輕役謂執紼者鄭司農云抱磨磨下車也玄謂磨者適歷執

紼者名也遂人主陳之而遂師以名行校之○磨音歷龍力董反乃說如銳反或吐活反轡勅倫反

搏市專反輕市專反適音的

軍旅田獵平野民。掌其禁令。比敘其事而賞罰。

平謂正其行列部伍也。鄭司農云。比讀為庇。

**[遂大夫]**各掌其遂之政令。以歲時稽其夫家之衆寡。

六畜田野。辨其可任者。與其可施舍者。以教稼穡。以

稽功事。掌其政令。戒禁聽其治訟。

施讀亦為弛。功事九職之事。民所以為功業。

令為邑者。歲終則會政致事。

不言其遂之吏。而言為邑者。容公邑及卿大夫。亦施焉。

正歲簡稼器。修稼政。

簡猶閱也。稼器耒耜鐵基之屬。稼政。孟春之月。令所云。皆修封疆。審端徑術。善相邱陵。阪險原隰。上

地所宜五穀所殖以教道民必躬親之。○術音遂相息亮反道音導。

三歲大比。則帥其吏而興。眊明其有功者。屬其地治

者。

興眊舉民賢者能者如六鄉之為也。興猶舉也。屬猶聚也。又因舉吏治有功者而聚勅其餘以職事。

○比毗志反屬音燭其如令

凡為邑者。以四達戒其功事。而誅賞廢興之。

四達者治民之事大通者有四。夫家眾寡也。六畜車輦也。稼穡耕耨也。旗鼓兵革也。

縣正各掌其縣之政令。徵比以頒田里。以分職事。掌

其治訟。趨其稼事。而賞罰之。

徵徵召也。比案比。趨本又作趣。音促。

若將用野民。師田行役。移執事。則帥而至。治其政令。

司移執事。移用其民。鄭云。謂轉相佐助。

既役。則稽功會事而誅賞。

**鄙師**各掌其鄙之政令祭祀。

○祭祀祭祭也。祭音詠。

凡作民。則掌其戒令。

作民。謂起役也。

以時數其衆庶。而察其媿惡。而誅賞。

○時。四時也。媿音美。

歲終。則會其鄙之政。而致事。

**鄼長**各掌其鄼之政令。以時校登其夫家。比其衆寡。以治其喪紀祭祀之事。

校猶數也。

若作其民而用之。則以旗鼓兵革帥而至。若歲時簡器與有司數之。

簡器。簡稼器也。兵器亦存焉。有司。遂大夫。

凡歲時之戒令皆聽之。趨其耕耨。稽其女功。

聽之。受而行之也。女功。絲枲之事。

**里宰**掌比其邑之衆寡。與其六畜兵器。治其政令。

邑猶里也。

以歲時合耦于耜以治稼穡趨其耕耨行其秩敘以待有司之政令而徵斂其財賦

考工記曰耜廣五寸二耜為耦此言兩人相助耦而耕也鄭司農云耜讀為藉杜子春云耜讀為助

謂相佐助也玄謂耨者里宰治處也若今街彈之室於此合耦使相佐助因放而為名季冬之月令

命農師計耦耕事修耒耜具田器是其歲時與合人耦則牛耦亦可知也秩敘受耦相佐助之次第

往○放方反

**鄰長** 掌相糾相受

相糾相舉察

凡邑中之政相贊

長短使相補助

徙于他邑。則從而授之。

從猶隨也。  
授猶付也。

周禮卷十五

周

禮

卷十五

司徒教官之職

古

中華書局聚

賦

賦

賦



周禮卷十六

漢大司農北海鄭玄註

明後學東吳葛蘄訂

司徒教官之職

旅師掌聚野之耬粟屋粟閒粟

野謂遠郊之外也。耬粟民相助作一井之中所出。九夫之稅粟也。屋粟民有田不耕作所罰三夫之稅出。粟閒粟閒民無職事者所出一夫之征粟。

而用之以質劑致民平頒其興積施其惠散其利而均其政令。

而讀為若聲之誤也。若用之謂恤民之艱阨委積於野如遺人於鄉里也。以質劑致民案入稅者名。

周禮卷十六 司徒教官之職 中華書局聚

不會而貸之。與積所興之積。謂三者之粟也。平頒之。不得偏頗。有多少。縣官徵聚物曰興。今云軍興是也。

也是粟。縣師徵之。旅師斂之。而用之。以調衣食曰惠。以作事業曰利。均其政令者。皆以國服為之息。

賜。○積子。反。

凡用粟。春頒而秋斂之。

困時施之。饒時收之。

凡新甿之治。皆聽之。使無征役。以地之媿惡為之等。

新甿。新徙來者也。治。謂有所求也。使無征役。復之也。王制曰。自諸侯來徙。家期不從。政以地美惡

為之等。七人以上。授以上地。六口。授以中地。五口。以下。授以下地。與舊民同。旅師掌斂地稅。而又惠

施散利。是以屬用。新民焉。○復音福。

稍人。掌令丘乘之政令。

乘上由是改云為甸。甸讀與維。禹敷之。甸同。其訓曰。溝涂云。上甸者。舉中言之。溝涂之家數存焉。

若有會同師田行役之事。則以縣師之灋。作其同徒。輦輦帥而以至。治其政令。以聽於司馬。

有軍旅會同田役之戒。縣師受灋於司馬。邦國都鄙稍甸。郊里唯司馬所調。以其灋作其衆庶及馬。

牛車輦會其車人之卒伍。使皆備旗鼓兵器。以帥而至。是以書令之耳。其所調若在家邑小都大都。

則稍人用縣師所受司馬之灋。作之帥之。以致於司馬也。同徒司馬所調之同。凡用役者不必一時。

皆徧以入數調之。使勞逸遞焉。輦居錄反。調徒弔反。遞徒禮反。

大喪帥蜃車與其役。以至掌其政令。以聽於司徒。

蜃車及役。遂入共之。稍人者。野監。是以帥而致之。既夕禮曰。既正。樞賓出。遂匠納車于階間。則天子。

以至于士。極路皆從遂來。

**委人**掌斂野之賦。斂薪芻。凡疏材木材。凡畜聚之物。

野謂遠郊以外也。所斂野之賦謂野之園圃。山澤之賦也。凡疏材草木有實者也。凡畜聚之物。瓜瓠。

葵芋。禦冬之具也。野之農賦。旅師斂之。工商嬪婦。遂師以入玉府。其牧則遂師。又以共野牲。○畜嬪婦。

六反。芋于反。

以稍聚待賓客。以甸聚待羈旅。

聚。凡畜聚之物也。故書羈。作奇。杜子春云。當為羈。

凡其余聚以待頒賜。

余當為餘。聲之誤也。餘謂縣都畜聚之物。

以式灋共祭祀之薪蒸木材。賓客共其芻薪。喪紀共

其薪蒸木材軍旅共其委積薪芻凡疏材共野委兵器與其野囿財用

式灋故事之多少也薪蒸給炊及燎麤者曰薪細者曰蒸木材給張事委積薪芻者委積之薪芻也

軍旅又有疏材以助禾粟野委謂廬宿止之薪芻也其兵器謂守衛陳兵之器也野囿之財用者薪芻

囿藩蘿之材  
○蘿音羅

凡軍旅之賓客館焉

館舍也必舍此者就牛馬之用

**土均**掌平土地之政以均地守以均地事以均地貢

政讀為征所平之稅邦國都鄙也地守虞衡之屬地事農圃之職地貢諸侯之九貢

以和邦國都鄙之政令刑禁與其施舍禮俗喪紀祭

祀皆以地。嫩惡為輕重之灋。而行之。掌其禁令。

施讀為弛也。禮俗邦國都鄙民之所行。先王舊禮也。君子行禮不求變俗。隨其土地厚薄為之制。豐

於地財順於鬼神。合於人心。理於萬物。設

**草人**掌土化之灋。以物地。相其宜而為之種。

形色為之灋。化之使美。若汜勝之術也。以物地占其

凡音

凡糞種。駢剛用牛。赤緹用羊。墳壤用麋。渴澤用鹿。鹹瀉用貍。勃壤用狐。埴壚用豕。彊槩用蕒。輕爨用犬。

凡所以糞種者皆謂煑取汁也。赤緹線色也。渴澤故水處也。瀉鹵也。貍謂煑也。勃壤粉解者埴壚黏疏

者。彊槩。彊堅者。輕。輕脆者。故書駢為挈。墳作蚤。杜子春挈讀為駢。謂地色赤而土剛強也。鄭司農

云用牛以牛骨汁漬其種也。玄謂壤，謂之糞種。壤，潤解。○緹，音抵。麩，鼠也。壤，白色。糞，麻也。玄謂壤，謂之糞種。○緹，音抵。麩，

反音眉。鴻，音昔。狃，呼丸。反，壇。時力。反，墟。音盧。樂，呼覽。反，糞。扶，云反。糞，孚照。反，線。七。絹。反，豨。它。官。反，蚤。符。

反粉

稻人掌稼下地。

以水澤之地種穀也。謂之稼者，有似嫁女相生。

以瀦畜水。以防止水。以溝蕩水。以遂均水。以列舍水。

以澮寫水。以涉揚其芟。作田。

鄭司農說。瀦，防。以春秋傳曰。町原防。規偃豬。以列舍水。列者非一道。以去水也。以涉揚其芟。以其水

寫。故得行其田中。舉其芟鉤也。杜子春讀蕩為和。蕩。謂以溝行水也。玄謂偃豬者。畜流水之陂也。防。

豬。旁隄也。遂。田首受水小溝也。列。田之畦。畦也。澮。田尾去水大溝。作猶治也。開遂。舍水於列中。因涉。

之揚去前年所芟之草而治田種稻。○列祿計反。芟所銜反。町徒頂反。去起呂反。畦劉音圭。時音劣。

凡稼澤夏以水殄草而芟蕘之。

殄病也。絕也。鄭司農說芟夷以春秋傳曰芟夷蕘崇之。今時謂禾下麥為蕘。下麥言芟刈其禾於下。

種麥也。玄謂將以澤地為稼者。必於夏六月之時。大雨時行。以水病絕草之。後生者。至秋水涸芟之。

明年乃稼。○蕘音夷。蘊紆粉反。

澤草所生種之芒種。

鄭司農云。澤草之所生。其地可種芒種。芒種。稻麥也。○芒種。章勇反。注同。

旱暵共其雩斂。

農人共雩斂。稻急水者也。鄭司農云。雩事所發。斂。○暵呼且反。

喪紀共葦事。



葦以闡禦濕  
○闡音因

**土訓**掌道地圖以詔地事

道說也說地圖九州形勢山川所宜告王以施其事也若云荆揚地宜稻幽并地宜麻

**道地**慝以辨地物而原其生以詔地求

地慝若瘴蠱然也辨其物者別其所有無原其生生有時也以此二者告王之求也地所無及物未生則不求也鄭司農云地慝地所反生惡物害人者若虺蝮之屬○虺蝮孳目反禁

**王巡守**則夾王車

巡守行視所守也天子以四海為守○行下孟反

**誦訓**掌道方志以詔觀事

說四方所識久遠之事以告王觀博古所識若魯有大庭氏之庫穀之二陵

掌道方慝以詔辟忌以知地俗

於方慝四方言語所惡也。不避其忌。則其方以爲苟。於言語也。知地俗博事也。鄭司農云。以詔避忌。不

違其俗也。辟音避。注曰。君子行禮不求變俗。○辟音避。注同。惡鳥路反。

王巡守則夾王車

山虞掌山林之政令。物爲之厲。而爲之守禁。

物爲之厲。每物有蕃界也。爲之守禁。爲守者。設禁令也。守者。謂其地之民。占伐林木者也。鄭司農云。

厲。遮列守之。○爲守者。于僞反。

仲冬斬陽木。仲夏斬陰木。

鄭司農云。陽木。春夏生者。陰木。秋冬生者。若松柏之屬。玄謂。陽木。生山南者。陰木。生山北者。冬斬陽

夏斬陰。堅濡調。○濡。威如充反。又音柔。



若祭山林則爲主而脩除且蹕。

爲主辨護之也。脩除治道路場壇。

若大田獵則萊山田之野及弊田植虞旗于中致禽

而珥焉。

萊除其草萊也。弊田田者止也。植猶樹也。田止樹

有旗者取其主山得畫熊虎其勿數則短也。鄭司農

左耳。又音耳如志反。

**林衡**掌巡林麓之禁令而平其守。

平其守者平其地之民守林麓之部分。○麓音鹿分扶問反。

以時計林麓而賞罰之。

計林麓者計其守之功也林麓蕃茂民不竊盜則有賞不則罰之

若斬木林則受灋于山虞而掌其政令

灋萬民入出時日之期

川衡掌巡川澤之禁令而平其守以時舍其守犯禁者執而誅罰之

舍其守者時案視守者於其舍申戒之

祭祀賓客共川奠

川奠籩豆之實魚鱸蟹蛤之屬○奠音電鱸所留反

澤虞掌國澤之政令為之厲禁使其地之人守其財物以時入之于玉府頒其餘于萬民

其地之人占取澤物者因以部分使守之以時入

之于玉府謂皮角珠貝也入之以當邦賦然後得

取其餘以自為也入出亦有時

日之期○當丁浪反為于偽反

凡祭祀賓客共澤物之奠

澤物之奠亦籩豆之實芹茆蒨芡

喪紀共其葦蒲之事

葦以闡壙

蒲以為席

若大田獵則萊澤野及弊田植虞旌以屬禽

屬禽猶致禽而珥焉澤虞有旌以其主澤澤鳥所集故得注析羽以

迹人掌邦田之地政為之厲禁而守之

田之地若

今苑也

凡田獵者受令焉。

令謂時與處也。

禁麇卵者與其毒矢射者。

為其天物且害必多也。麇麋鹿子。○麇音迷。卵力管反。

〔卯〕人掌金玉錫石之地而為之厲禁以守之。非規之

錫。鉏也。○卯革猛反。又號猛反。鉏以忍反。

若以時取之。則物其地圖而授之。

物地占其刑色。知鹹淡也。授之。教取者之處。

巡其禁令。

行其禁。明其令。

角人掌以時徵齒角。凡骨物於山澤之農以當邦賦之政令。

山澤出齒角骨物大者犀象其小者麋鹿

以度量受之以共財用。

骨入漆浣者受之以量其餘以度度所中。浣戶翫反。度度上如字下待洛反。

羽人掌以時徵羽。翮之政于山澤之農以當邦賦之政令。

翮羽本。翮戶革反。

凡受羽十羽為審。百羽為搏。十搏為縛。

審搏縛羽數束名也。爾雅曰：一羽謂之箴，十羽謂之審。搏百羽謂之縛。其名音相近也。一羽謂之箴，十羽謂之審。



之矣

**葛**掌以時徵絺綌之材于山農。凡葛征徵草貢之

材于澤農。以當邦賦之政令。

草貢出澤。績者。績苦迥反。屬可。

以權度受之。

以知輕重長短也。故書受或為授。杜子春云。當為受。

**掌染草**。掌以春秋斂染草之物。

染草。茅蒐。橐蘆。豕首。紫荊之屬。○荊音列。

以權量受之。以待時而頒之。

權量。以知輕重多少。時。染夏之時。

掌炭 掌灰物炭物之徵令以時入之

灰炭皆山澤之農所出也。灰給澣練炭之所共多。

以權量受之。以共邦之用。凡炭灰之事。

掌茶 掌以時聚茶以共喪事。

共喪事者以著物也。既夕禮曰茵著用茶。

徵野 疏材之物以待邦事。凡畜聚之物。

茶茅莠疏材之類也。因使掌焉。徵者徵於山澤入於委人。○畜勅六反。

掌蜃 掌斂互物蜃物以共闡墻之蜃。

互物蚌蛤之屬闡猶塞也。將井榘先塞下以蜃禦濕也。鄭司農說以春秋傳曰始用蜃炭言儻天子

也。蒲也。蚌反。

祭祀共蜃器之蜃。

飾祭器之屬也。絕人職曰凡四方山川用蜃器。春秋定十四年秋天王使石尚來歸蜃。蜃之器以蜃。

蜃飾因名焉。鄭司農云蜃可以白器令色白。

共白盛之蜃。

盛猶成也。謂飾牆使白之蜃也。今東萊用蛤謂之義灰云。

園人掌園游之獸禁。

園游園之離宮小苑觀處也。養獸以宴樂視之。禁者其蕃衛也。鄭司農云園游之獸游牧之獸。○觀

古亂反  
樂音洛

牧百獸。

備養衆物也。今掖庭有鳥獸自熊虎孔雀至於狐狸鳧鶴備焉。

祭祀喪紀賓客共其生獸死獸之物。

場人掌國之場圃而樹之果蓏珍異之物以時斂而藏之。

果棗李之屬。蓏瓜瓠之屬。珍異蒲萄。枇杷之屬。○枇杷蒲梨反。杷白加反。

凡祭祀賓客共其果蓏享亦如之。

享納牲。

廩人掌九穀之數以待國之匪頒。賙賜稍食。

匪讀為分。頒謂委人之職。諸委積也。賙賜謂王所賜予給好用之式也。稍食祿廩。○食音嗣。注同。

好呼報反。

以歲之上下數邦用以知足否以詔穀用以治年之

凶豐。

數猶計也。○上時掌反。

凡萬民之食。食者人四鬴。上也。人三鬴。中也。人二鬴。

下也。

此皆謂一月食米也。六斗四升曰鬴。

若食不能人二鬴。則令邦移民。就穀。詔王殺邦用。

就穀。就都鄙之有者。殺猶減也。○殺所界反。

凡邦有會同師役之事。則治其糧與其食。

行道曰糧。謂糒也。止居曰食。謂米也。○糒音備。

大祭祀。則共其接盛。

之接讀爲一扱再祭之扱扱以授春人春之。大祭祀  
之穀藉田之收藏於神倉者也不以給小用。○扱

反初治

舍人掌平宮中之政分其財守以灋掌其出入。

政謂用穀之政也分其財守者計其用穀之數分  
送宮正內宰使守而頒之也而米出於廩人其有

空缺則計  
之還入

凡祭祀共簠簋實之陳之。

方曰簠圓曰簋  
盛黍稷稻粱器

賓客亦如之共其禮車米筮米芻禾。

禮致饗  
饋之禮

喪紀共飯米熬穀。

飯所以實口。不忍虛也。君用梁。大夫用稷。士用粱。皆四升。實者。唯盈熬穀者。錯于棺旁。所以惑蚍蜉。

也。喪大記曰。熬君四種。入筐。大夫三種。六筐。士二種。四筐。加魚腊焉。○飯扶晚。反。錯七。故反。蚍鼻夷。

反。蜉音孚。種。章勇反。下同。

以歲時縣種。種之種。以共王后之春獻種。

縣之者。欲其風氣燥達也。鄭司農云。春。王當耕于藉。則后獻其種也。后獻其種。見內宰職。○縣音玄。

種。桂直龍。反。下音六。

掌米粟之出入。辨其物。

九穀六米。別為書。

歲終則會計其政。

政用穀之多少。

倉人掌粟入之藏。

九穀盡藏焉。以粟爲主。

辨九穀之物。以待邦用。若穀不足。則止餘灋用。有餘則藏之。以待凶而頒之。

止。猶殺也。殺餘灋用。謂道路之委積。所以豐優賓客之屬。

凡國之大事。共道路之穀。積食飲之具。

大事。謂喪戎。

司祿

闕

司稼掌巡邦野之稼。而辨種稂之種。周知其名。與其

所宜地。以爲灋。而縣于邑閭。



周猶徧也。徧知種所宜之地。縣以示民。後年種穀用為灋也。○種章勇反。

巡野觀稼。以年之上下出斂灋。

斂灋者。豐年從正。凶荒則損。若今十傷二三。實除減半。

掌均萬民之食。而調其急。而平其與。

均。謂度其多少。調。稟其艱。阨與所徵賦。

春人掌共米物。

米物言非一。

祭祀共其齎盛之米。

齎。盛謂黍稷稻粱之屬。可盛以爲簠簋實。

賓客共其牢禮之米。

實謂可以  
實筐筥

凡饗食共其食米。

饗有食米則饗  
禮兼燕與食

掌凡米事。

饌人掌凡祭祀共盛。

炊而  
共之

共王及后之六食。  
其急而平其興

六食六  
穀之飯

凡賓客共其簠簋之實。

謂致  
饗

饗食亦如之。

橐人掌共外內朝宀食者之食。

外朝司寇斷獄弊訟之朝也。今司徒府中有百官朝會之殿云。天子與丞相舊決大事焉。是外朝之

存者。與內朝路門外之朝也。宀食者。謂留治文書。若今尚書之屬。諸直上者。謂

若饗耆老孤子士庶子共其食。

士庶子。卿大夫士之子弟。宿衛王宮者。

掌豢祭祀之犬。

養犬豕曰豢。不於鱣人。言其共至尊。雖其潘瀾。羹餘不可褻也。

周禮卷十六

珍傲宋版印

華業祭師之夫

子孫其為子士燕子共其食

燕食之禮也燕者安也燕食者安食也

燕食之禮也燕者安也燕食者安食也

樂人掌其於內隨次會審之食

饗食亦成之

周禮卷十七

漢大司農北海鄭

玄註

春官宗伯第三 明矣後學東吳金蟠訂

春官宗伯第三

惟王建國辨方正位體國經野設官分職以為民極乃立春官宗伯使帥其屬而掌邦禮以佐王和邦國

禮謂曲禮五吉凶賓軍嘉其別三十有六鄭司農云宗伯主禮之官故書堯典曰帝曰咨四岳有能

又主鬼神故國語曰使名姓之後能知四時之生

儀牲之物玉帛之類采服之宜彝器之量次主之度屏攝之位壇場之所上下之神祇氏姓之所出

而率舊典者為之宗春秋禘于大廟躋僖公而傳曰夏父弗忌為宗人又曰使宗人釁夏獻其禮禮

特牲曰宗人升自西階。視壺濯及豆籩。然則唐虞歷三代以宗官典國之禮。與其祭祀。漢之大常是

也。○大廟音泰。釁虛覲反。

禮官之屬。〔大宗伯〕卿一人。〔小宗伯〕中大夫二人。〔肆師〕

下大夫四人。上士八人。中士十有六人。旅下士三十

有二人。府六人。史十有二人。胥十有二人。徒百有二

十人。

肆師猶陳也。肆師佐宗伯陳列祭祀之位。及牲器粢盛。

〔鬱人〕下士二人。府二人。史一人。徒八人。

鬱金香草。宜以和鬯。

〔鬯人〕下士二人。府一人。史一人。徒八人。

鬯，釀秬為酒，芬香條暢於上下也。秬，如黑黍。一稔，二米。○稔，其許反。稔音孚。

**雞人**下士一人。史一人。徒四人。

**司尊彝**下士二人。府四人。史二人。胥二人。徒二十人。

彝，亦尊也。鬱，鬯曰彝。彝，瀆也。言為尊之瀆也。

**司几筵**下士二人。府二人。史一人。徒八人。

筵，亦席也。鋪，陳曰筵。筵，席通矣。

**天府**上士一人。中士二人。府四人。史二人。胥二人。徒

二十人。

府，物所藏。言天者，尊此所藏。若天物然。

**典瑞**中士二人。府二人。史二人。胥一人。徒十人。

瑞節信也。典瑞若今符璽郎。

**典命**中士二人。府二人。史二人。胥一人。徒十人。

命謂王遷秩羣臣之書。

**司服**中士二人。府二人。史一人。胥一人。徒十人。

**典祀**中士二人。下士四人。府二人。史二人。胥四人。徒

四十人。

**守祧**奄八人。女祧每廟二人。奚四人。

遠廟曰祧。周為文王武王廟。遷主藏焉。奄如今之宦者。女祧女奴。有才知者。天子七廟。三昭三穆。奚

女奴也。為于偽反。知音智。

**世婦**每宮卿二人。下大夫四人。中士八人。女府二人。



女史二人。奚十有六人。

世婦后宮官也。王后六宮。漢始大長秋詹事。中少府。大僕亦用士八人。女史女奴有才智者。

少詩照反

內宗凡內女之有爵者。

內女。王同姓之女。謂之內宗。有爵。其嫁於大夫及士者。凡無常數之言。

外宗凡外女之有爵者。

外女。王諸姑姊妹之。女。謂之外宗。

冢人下大夫二人。中士四人。府二人。史四人。胥十有

二人。徒百有二十人。

冢。封上。為邱壠。象冢而為之。

墓大夫。下大夫二人。中士八人。府二人。史四人。胥二十人。徒二百人。

墓冢塋之地。孝子所  
思慕之處。○塋音營

職喪。上士二人。中士四人。下士八人。府二人。史四人。胥四人。徒四十人。

職主也

大司樂。中大夫二人。樂師。下大夫四人。上士八人。下士十有六人。府四人。史八人。胥八人。徒八十人。

大司樂樂官之長。○  
長丁丈反。後皆放此。

大胥。中士四人。小胥。下士八人。府二人。史四人。徒四

十人。不士二人。旅一人。史一人。樂者十人。六人。共四

胥有才知之稱。禮記文王世子曰。小樂正學于大胥佐之。

大師下大夫二人。小師上士四人。警矇上警四十人。

中警百人。下警百有六十人。眠瞭三百人。府四人。史

八人。胥十有二人。徒百有二十人。

凡樂之歌必使警矇為焉。命其賢知者以為大師。小師。晉杜蒯云。曠也。大師也。眠。讀為虎。眠之。眠。瞭。

目明者。鄭司農云。無目。眠謂之警。有目。眠而無見。謂之矇。有目。無眸子。謂之眊。眠音視。

典同。中士二人。府一人。史一人。胥二人。徒二十人。

同。陰律也。不以陽律名官者。因其先言耳。書曰。協時月正日。同律度量衡。大師職曰。執同律以聽軍

聲。

磬師中士四人。下士八人。府四人。史二人。胥四人。徒四十人。

鐘師中士四人。下士八人。府二人。史二人。胥六人。徒六十人。

笙師中士二人。下士四人。府二人。史二人。胥一人。徒十人。

鑄師中士二人。下士四人。府二人。史二人。胥二人。徒二十人。

鑄如鍾而大。鑄音博。

鞀師下士二人。府一人。史一人。舞者十有六人。徒四

十人。

鄭司農說以明堂位曰。韎東夷之樂。讀如味。飲食之味。杜子春讀韎為莩。莩莩著之莩。玄謂讀如韎。韎

之莩。直莩反。著莩直居反。韎戒反。又音莩。莩莩直莩反。著莩直居反。韎戒反。又音莩。

旄人。下士四人。舞者衆寡無數。府二人。史二人。胥二

人。徒二十人。

旄旄牛尾。舞者所持以指麾者。

籥師。中士四人。府二人。史二人。胥二人。徒二十人。

籥舞者所吹。春秋宣八年壬午。猶繹萬入去籥。傳曰。去其有聲者。廢其無聲者。詩云。左手執籥。右手

秉翟。去起呂反。

籥章。中士二人。下士四人。府一人。史一人。胥二人。徒

二十人。

籥章吹籥以爲詩章。

**鞀**鞀氏。下士四人。府一人。史一人。胥二人。徒二十人。

鞀讀如履也。鞀履四夷舞者所屏也。今時倡蹋鼓沓行者自有屏。○鞀丁兮反。鞀九具反。蹋徒臘反。

**典庸器**。下士四人。府四人。史二人。胥八人。徒八十人。

庸功也。鄭司農云。庸器有功者。鑄器銘其功。春秋傳曰。以所得於齊之兵作林鍾而銘魯功焉。

**司干**。下士二人。府二人。史二人。徒二十人。

干。舞者所持謂楯也。春秋傳曰。萬者何。干舞也。○楯食尤反。又音又。

**大卜**。下大夫二人。卜師上士四人。卜人中士八人。下

士十有六人。府二人。史二人。胥四人。徒四十人。



占夢中士二人史二人徒四人

眡禘中士二人史二人徒四人

禘。陰陽氣相侵漸成祥者。魯史梓慎云。吾見赤黑之禘。○禘。子鳩反。

大祝下大夫二人士士四人小祝中士八人下士十有六人府二人史四人胥四人徒四十人

大祝祝官之長

喪祝上士二人中士四人下士八人府二人史二人

胥四人徒四十人

甸祝下士二人府一人史一人徒四人胥四人徒四

甸之言田也。田狩之祝。○甸音電。



詛祝下士二人。府一人。史一人。徒四人。

詛謂祝之使沮敗也。詛側慮反。祝之又反。

司巫中士二人。府一人。史一人。胥一人。徒十人。

司巫巫官之長。

男巫無數。女巫無數。其師中士四人。府二人。史四人。

胥四人。徒四十人。

巫能制神之處。位次主者。

大史下大夫二人。上士四人。小史中士八人。下士十

有六人。府四人。史八人。胥四人。徒四十人。

大史大官之長。

馮相氏中士二人下士四人府二人史四人徒八人

馮乘也相視也世登高臺以視天文之次序天文屬大史月令曰乃命大史守典奉法司天日月星

辰之行宿離不貸。馮音憑相息亮反。

保章氏中士二人下士四人府二人史四人徒八人

保守也世守天文之變

內史中大夫一人下大夫二人上士四人中士八人

下士十有六人府四人史八人胥四人徒四十人

外史上士四人中士八人下士十有六人胥二人徒

二十人

御史中士八人下士十有六人其史百有二十人府

四人胥四人徒四十人

御猶侍也進也其史百有  
二十人以掌贊書人多也

中車下大夫二人上士四人中士八人下士十有六  
人府四人史八人工百人胥五人徒五十人

中猶衣也中車車官  
之長○衣於既反

典路中士二人下士四人府二人史二人胥二人徒

二十人

路王之  
所乘車

車僕中士二人下士四人府二人史二人胥二人徒

二十人

司常中士二人。下士四人。府二人。史二人。胥四人。徒四十人。

司常主  
王旌旗

都宗人上士二人。中士四人。府二人。史四人。胥四人。徒四十人。

都謂王子弟所封  
及公卿所食邑

家宗人如都宗人之數。

家謂大夫  
所食采邑

凡以神士者無數。以其藝為之貴賤之等。

以神士者男巫之俊有學問才知者藝謂禮樂射  
御書數高者為上士次之為中士又次之為下士

周禮卷十七

周

禮

卷十七

宗伯禮官之屬

九

中華書局聚